

26.03.2020.

Objavljeno: 26.03.2020.

Predsjednica Upravnog odbora Udruženja banaka Bosne i Hercegovine Sanela Pašić

je na današnji konferenciji za medije pojasnila situacijo vezanu za najavljeni moratorij

na otplatu kredita za sva fizička lica u Federaciji BiH.

Federalni premijer Fadil Novalić je, podsjećamo, najavio da će se taj moratorij, odnosno odgoda

plaćanja u periodu od najmanje tri mjeseca, odnositi na sve građane koji to žele, dok je, s druge

strane, Upravni odbor Agencije za bankarstvo FBiH donio odluku prema kojoj banke procjenjuju

ko može koristiti moratorij, a ko ne.



Federalni premijer Fadil Novalić je, podsjećamo, najavio da će se taj moratorij, odnosno odgoda plaćanja

u periodu od najmanje tri mjeseca, odnositi na sve građane koji to žele, dok je, s druge strane, Upravni odbor

Agencije za bankarstvo FBiH donio odluku prema kojoj banke procjenjuju ko može koristiti moratorij, a ko ne.

Pašić je kazala da su banke u BiH više nego svjesne problema i udara kojeg ekonomija doživljava, te da žele

i bit će partneri klijentima, pravnim i fizičkim licima, Vladi i Udruženju poslodavaca u prevazilaženju ovih problema

na način da ćemo dati kreditne olakšice klijentima.

- Naš supervizor je propisao osnovni okvir u kojem te olakšice treba da se definiraju i odluka će vjerovatno stupiti

na snagu danas ili sutra. Ono što je zadatak bankaua u ovim danima jeste da uzme taj okvir i da definira precizno

njegov sadržaj, da odgovori na pitanja kome se daje koja modifikacija, kako se daje, koji je proces i tako dalje.

Proces je dosta kompliciran. Treba nam nekoliko dana da to definiramo – izjavila je Pašić.

Suština je, dodaje, da će se voditi principima, a to su da žele maksimalno pomoći svima koji su ugroženi ovim virusom,

da žele držati kao prioritet zdravlje klijenata na način da će uprostiti aktivnosti sa što manje fizičkog kontakta, te

održavanje stabilnosti bankarskog sektora.

- Davanje olakšica, dodatno preuzimanje tereta iz ekonomije, što mi želimo i možemo uraditi jer imamo dobar kapital

i likvidnost, ali treba naći pravu mjeru koja će držati sektor stabilnim – izjavila je Pašić.

Pašić pojašnjava da su banke imale priliku vidjeti nacrt odluke Agencije za bankarstvo, te da banke definiraju korake,

što će potrajati nekoliko dana.

- Kada definiramo sve, počinjemo sa implementacijom. Implementacija je jedan masovan proces. Mi ćemo dati sve od

sebe da to brzo obavimo. Kada banke definiraju sve uvjete i ko dobija, šta dobija i na koji način dobija, banke će koristiti

sve svoje kanale koje inače koriste za komuniciranje sa klijentima da objasne situaciju i postupak na najkraći mogući

način – izjavila je Pašić.

Odgovarajući na upit medije, Pašić je kazala da će se banke kretati u okviru kojeg su dobili, a izostanak preciznog okvira

je pitanje za Vladu FBiH i Agenciju za bankarstvo FBiH. - Intencija ovog okvira jeste da se pomogne onima kojima je to

potrebno, koji su ostali bez sredstava za plaćanje kredita. Mi ćemo specifične detalje razraditi u narednih nekoliko dana

– pojasnila je Pašić.

a